

6 277/272  
L E  
DISCOVRS  
AVANTAGEVX  
D E  
RODOMONT.

*Au Marquis d'Ancre.*



A PARIS,

Chez REMY DALLIN, au mone  
sainct Hilaire, à l'image  
sainct Hilaire.

---


M. DC. XVII.

40088-667(17)

# DISCOVER

AVANTAGE

RODMONT



PARIS

THE NEW YORK PUBLIC LIBRARY  
ASTOR LENOX TILDEN FOUNDATION  
500 5TH AVENUE  
NEW YORK



# LE DISCOVERS

AVANTAGEUX

DE RODOMONT

au Marquis d'Ancre.

**M**ARS s'estoit ces iours passez arresté en ceste contrée alleché des vaines esperances d'un pretendu Gentilhomme Florentin, que la fortune auoit esleué en la seconde dignité de France, pour luy seruir puis apres de bouffon sur le theatre du monde :

*O fortuna potens quàm variabilis;*

*Exertisque bonos, erigis improbos.*

Son personnage ayant esté iouïe par l'heureuse arriüée de la Clemence de nostre LOVYs, qui fera florir les Lys de la France en despit de ceux qui bouffis de rage demeureront aux

abois, faute de pouuoir executer leur malignité sur le sang innocent des François. I'iray avec la Dame Venus calmer la bourasque & les tempestes de ces Cerueaux bouillans de cholere aux plus hasardeux endroicts des armées de nos aduerfaires, & malgré leur despit, ie tireray de leur vengeance l'huile de douceur propre pour vne paix vniuerselle. Mercure en fera de la partie, & me promet faire agréer le message qu'il fera du commandemēt de Iupiter, qui a iuré que si quelque audacieux vient cy après à leuer les armes contre mon Roy, il se peut asseurer qu'il aura affaire à luy & à tous les autres Dieux, qui n'oseroient luy contredire en la moindre de ses entreprises & desseins.

La peur & la crainte tributaires de ma puissance marcheront tousiours du pair pour intimider les plus resolu, & feront creuer les orgueilleux de honte, qui palira leur visage à leur



confusion se voyans despourueus in-  
 opinément de toutes leurs forces. Je  
 veux que leurs plus rudes resolutions  
 seruent pour les exterminer eux-mes-  
 mes, en sorte que leur aduis & tous  
 leurs conseils seront autant de diuers  
 moyens pour paruenir à vne entiere  
 punition de leur temerité. Je veux des  
 manes des plus grands capitaines qui  
 ayent iamais esté apprendre les cruel-  
 les atteintes, pour empescher & cōfo-  
 dre leurs plus diaboliques & damna-  
 nables surprises. Au fort ie m'asseure  
 que leurs forces seront aussi vaines  
 contre mon LOVYS, que si elles  
 estoient employées contre l'air, qui  
 n'en peut receuoir aucune offense, &  
 plustost son indomtable grandeur  
 fera terreur à tout le Ciel, que tout ce  
 qui est çà bas ne tremble d'apprehen-  
 sion, que sa voix est capable de cam-  
 per aux cœurs de ceux qui se mocquēt  
 entierement des efforts de la fortune,  
 & se disent n'auoir de la peur que par

leur ombre, vraye image de ce qu'ils sont exterieurement.

Sa bonté neantmoins ne permettra qu'en la moindre de ses vengeance-  
ces tres-justes, on puisse cognoistre la  
moindre tache de cruauté: il a trop de  
Clemence pour en donner mesme  
quelque soupçon: aussi n'est-il pas  
permis d'irriter à l'espée ceux à qui  
nous sommes obligez de nos facultez  
& nos biens. Iamais personne (non  
pas mesmes les fils de la terre) n'osa le-  
uer les armes contre son maistre, que  
la vengeance & la punition ne s'en soit  
ensuiuite, & ordinairement le Ciel  
pleurant vn si enorme forfait, a fait  
cognoistre son indignation sur la te-  
ste de ces audacieux, qui d'vn cerueau  
mal timbré font esclorre des desseins  
aussi estranges, que les demons en  
pourroient desseigner.

Loüons (François) le Conseil de no-  
stre Roy LOVYs, & applaudissans à  
sa preuoyance, faisons actions de gra-

ces à la supreme Majesté qui n'inspire  
 en nos cœurs que ce qu'elle iuge de  
 plus necessaire à nostre auancement.  
 Desia la Colombe qui porte le Lau-  
 rier s'est assis sur le Louure, & du plus  
 hault d'iceluy faiët iuger à vn chacun  
 vne paix autant longue que lon peut  
 croire y auoir de fermeté és affaires de  
 l'autre monde. Desia le concert inte-  
 rieur de nos passîos est en bonne har-  
 monie, reste vn seul rapport de nos  
 actions exterieures pour chanter vne  
 paix vniuerselle, à laquelle ie vous  
 conuie au nom d'un bon François:

Adieu.

FIN.

*[The page contains faint, illegible handwriting, likely bleed-through from the reverse side.]*

1891

五